

瘟疫論^上

許祥炯

專一氏

溫疫方論 下卷月次

雜氣論

論氣盛衰

論氣所傷不同

蚘厥

呃逆

似表非表似裏非裏

論食
論飲

損復

標本

行邪伏邪之別

應下諸証

應補諸証

論陰証世間罕有

論陽証似陰

舍病治藥

舍病治弊

論時疫誤治每成痼疾

肢體浮腫

服寒劑反熱

知一

四損不可正治

勞復 食復 自復

感冒兼疫

瘧疫兼症

溫瘧

疫痢兼症

婦人時疫

妊娠時疫

小兒時疫

主客交

統論疫有九傳治法

正名

傷寒例正誤

諸家溫疫正誤

溫疫論下卷

延陵吳有性又可甫著

甬江徐文炳天章
樵李石 楷臨初仝校
武原徐辰臣澹菴

雜氣論

日月星辰天之有象可睹。水火土石地之有形可求。
昆蟲草木動植之物可見。寒熱溫涼四時之氣往來。
可覺。至于山嵐瘴氣。嶺南毒霧。咸得地之濁氣。猶或
可察。而爲天地之雜氣。種種不一。亦猶天之有日月
星辰。地之有水土。石氣交之中。有昆蟲草木之不

一也。草木有野葛巴豆。星辰有羅計熒惑。昆蟲有毒蛇猛獸。土石有雄硫礪信。萬物各有善惡不等。是知雜氣之毒。亦有優劣也。然氣無所可求。無象可見。況無聲復無臭。何能得睹得聞。人惡得而知氣。又惡得而知其氣之不一也。是氣也。其來無時。其著無方。衆人有觸之者。各隨其氣而爲諸病焉。其爲病也。或時衆人發願。或時衆人頭面浮腫。俗名爲大頭溫是也。或時衆人咽痛。或時音啞。俗名爲蝦蟆溫是也。或時衆人瘧痢。或爲痺氣。或爲痘瘡。或爲癰疹。或爲瘡疥。

疔瘡。或時衆人目赤腫痛。或時衆人嘔血暴下。俗名爲瓜瓢溫。探頭溫是也。或時衆人癰瘰。俗名爲疔瘡溫是也。爲病種種。難以枚舉。大約病偏於一方。延門合戶。衆人相同者。皆時行之氣。卽雜氣爲病也。爲病種種。是知氣之不一也。蓋當時適有某氣。專入某臟腑。某經絡。專發爲某病。故衆人之病相同。是知氣之不一。非關臟腑經絡。或爲之症也。夫病不可以年歲四時爲拘。蓋非五運六氣所能定者。是知氣之所至無時也。或發于城市。或發于村落。他處安然無有。是

知氣之所著無方也。疫氣者亦雜氣中之一。但有甚于他氣。故爲病頗重。因名之厲氣。雖有多寡不同。然無歲不有。至於瓜瓢溫。疔瘡溫。緩者朝發夕死。急者頃刻而亡。此在諸疫之最重者。幸而幾百年來罕者之症。不可以常疫論也。至于發頤咽痛。目赤癰疹之類。其時村落中偶有一二人所患者。雖不與衆人等。然考其症甚合某年某處衆人所患之病。纖悉相同。治法無異。此卽當年之雜氣。但目今所鍾不厚。所患者希少耳。此又不可以衆人無有。斷爲非雜氣也。

况雜氣爲病最多。然舉世皆誤認爲六氣。假如誤認
爲風者。如大麻風。鶴膝風。痛風。歷卽風。老人中風。腸
風。厲風。癰風之類。槩用風藥。未嘗一效。實非風也。皆
雜氣爲病耳。至又誤認爲火者。如疔瘡。發背。癰疽。疔
氣。毒流。注流。火丹。毒與夫發斑。痘疹之類。以爲痛痒
瘡瘍。皆屬心火。投苓連。梔柏。未嘗一效。實非火也。亦
雜氣之所爲耳。至於誤認爲暑者。如霍亂吐瀉。瘧痢
暴注。腹痛絞腸沙之類。皆誤認爲暑。因作暑症治之。
未嘗一效。與暑何與焉。至于一切雜症。無因而生者。

益皆雜氣所成。從古未聞者何耶。蓋因諸氣來而不知感而不覺。惟向風寒暑濕所見之氣求之。是舍無聲無臭不睹不聞之氣推察。既錯認病原。未免誤投他藥。大易所謂或繫之牛。行人之得。邑人之災也。劉河間作原病式。蓋祖五運六氣百病皆原于風寒暑濕燥火。是無出此六氣爲病。實不知雜氣爲病更多。于六氣爲病者百倍。不知六氣有限。現在可測。雜氣無窮。茫然不可測也。專務六氣。不言雜氣。爲能包括天下之病歟。

論氣盛衰

其年疫氣盛行。所患皆重。最能傳染。卽童輩皆知言其爲疫。至於微疫。反覺無有。蓋毒鍾厚也。其年疫氣衰。少閭里所患者。不過幾人。且不能傳染。時師皆以傷寒爲名。不知者固不言疫。知者亦不便言疫。然則何以知其爲疫。蓋脉症與盛行之年所患之症。纖悉相同。至于用藥取効。毫無差別。是以知溫疫四時皆有。常年不斷。但有多寡輕重耳。疫氣不行之年。微疫轉有。衆人皆以感冒爲名。實不

知爲疫也。設用發散之劑。雖不合病。然亦無大害。疫
自愈。實非藥也。卽不藥亦自愈。至有稍重者。悞投發
散。其害尙淺。若誤用補劑及寒涼。反成痼疾。不可不
辨。

論氣所傷不同

所謂雜氣者。雖曰天地之氣。實由方土之氣也。蓋其
氣從地而起。有是氣。則有是病。譬如所言天地生萬
物。然亦由方土之產也。但植物藉雨露而滋生。動物
藉飲食而頤養。蓋先有是氣。然後有是物。推而廣之。

有無限之氣。因有無限之物也。但二五之精未免生
尅制化。是以萬物各有宜忌。宜者益而忌者損。損者
制也。故萬物各有所制。如猫制鼠。如鼠制象之類。既
知以物制物。卽知以氣制物矣。以氣制物者。蟹得霧
則死。棗得霧則枯之類。此有形之氣。動植之物皆爲
所制也。至於無形之氣。偏中於動物者。如牛溫。羊溫。
鷄溫。鴨溫。豈但人疫而已哉。然牛病而羊不病。鷄病
而鴨不病。人病而禽獸不病。究其所傷不同。因其氣
各異也。知其氣各異。故謂之雜氣。夫物者氣之化也。

氣者物之變也。氣卽是物。物卽是氣。知氣可以知物。則知物之可以制氣矣。夫物之可以制氣者。藥物也。如蜚蠊解蜈蚣之毒。貓肉治鼠癩之潰。此受物氣之爲病。是以物之氣制物之氣。猶或可測。至于受無形雜氣爲病。莫知何物之能制矣。惟其不知何物之能制。故免用汗吐下三法以決之。嗟乎。闢三法且不能盡善。况乃知物乎。能知以物制氣。一病只有一藥之到病已。不煩君臣佐使品味加減之勞矣。

虬厥

疫邪傳裏胃熱如沸。虬動不安。下既不通。必反于上。
虬因嘔出。此常事也。但治其胃。虬厥自愈。每見醫家
妄引經論。以爲臆寒。虬上入膈。其人當吐。虬又云胃
中冷。必吐。虬之句。便用烏梅圓。或理中安虬湯。方中
乃細辛。附子。乾姜。桂枝。川椒。皆辛熱之品。投之如火。
上添油。殊不知疫症。表裏上下皆熱。始終從無寒症。
者。不思現前事理。徒記紙上文辭。以爲依經傍註。坦
然用之無疑。因此誤人甚衆。

呃逆

胃氣逆則爲呃逆。吳中稱爲冷呃。以冷爲名。遂指爲胃寒。不知寒熱皆令呃逆。且不以本症相參。專執俗語爲寒。遂投丁香。茱萸。桂。誤人不少。此與執辭害義者尤爲不典。

治法各從其本證。而稍息之。如見白虎證。則投白虎。見承氣證。則投承氣。膈間痰閉。則宜導痰。如果胃寒。丁香。柿蒂。散宜之。然不若四逆湯。功效殊捷。要之但治本證。呃自止。其他可以類推矣。